



Broj: 05-05-31080-1/16

Sarajevo, 06.12.2016. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13), a u vezi sa članom 25. i 34. Zakona o ustanovama ("Službeni list R BiH", br. 6/92, 8/93 i 13/94) i Odluke Vlade Kantona Sarajevo o standardima i kriterijima za imenovanje na pozicije predsjednika i članova upravnog odbora i predsjednika i članova nadzornog odbora Kantonalne javne ustanove za zaštićena prirodna područja ("Službene novine Kantona Sarajevo", broj 48/16), Ministar prostornog uređenja, građenja i zaštite okoliša Kantona Sarajevo raspisuje

JAVNI OGLAS

za imenovanje kandidata na poziciju predsjednika i članova Upravnog odbora i predsjednika i članova Nadzornog odbora Kantonalne javne ustanove za zaštićena prirodna područja

1. Predmet Javnog oglasa:

Oglašavaju se pozicije

- Predsjednik Upravnog odbora 1
- Član Upravnog odbora 2

- Predsjednik Nadzornog odbora 1
- Član Nadzornog odbora 2

Predsjednika i članove Upravnog odbora i predsjednika i članove Nadzornog odbora Kantonalne javne ustanove za zaštićena prirodna područja imenuje Vlada Kantona Sarajevo na osnovu prijedloga Ministarstva prostornog uređenja, građenja i zaštite okoliša Kantona Sarajevo, u skladu sa odredbama Zakona o ustanovama ("Sl. list R BiH", br. 6/92, 8/93 i 13/94), Zakona o ministarskim, vladinim i drugim imenovanjima Federacije Bosne i Hercegovine ("Sl. novine F BiH", br. 12/03, 34/03 i 65/13), Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 6/10-Prečišćeni tekst, 14/11 i 15/14) i Odluke o standardima i kriterijima za imenovanje na pozicije predsjednika i članova Upravnog odbora i predsjednika i članova Nadzornog odbora Kantonalne javne ustanove za zaštićena prirodna područja ("Sl. novine Kantona Sarajevo", broj 48/16).

Predsjednik i članovi Upravnog odbora i predsjednik i članovi Nadzornog odbora imaju pravo na naknadu za svoj rad, koja se utvrđuje posebnim aktom Vlade Kantona Sarajevo.

2. Opis pozicije

Upravni Odbor obavlja poslove od značaja za oblast kojom se bavi javna ustanova, a koji se sastoje u: donošenju Pravila Ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju



godišnjeg obračuna, donošenju općeg akta o unutrašnjoj organizaciji i sistematizaciji poslova i drugih općih akata u skladu sa zakonom i pravilima, odlučivanju o svim pitanjima obavljanja djelatnosti radi kojih je Ustanova osnovana, ako zakonom nije određeno da o određenim pitanjima odlučuje drugi organ Ustanove, usmjeravanju, kontrolisanju i ocjenjivanju rada direktora, rješavanju svih pitanja sa osnivačem, odlučivanju o korištenju sredstava preko iznosa utvrđenog pravilima Ustanove, odgovornosti osnivaču za rezultate rada Ustanove, podnošenju osnivaču najmanje jednom godišnje izvještaja o poslovanju Ustanove i drugim poslovima u skladu sa zakonom, podzakonskim aktima i pravilima Ustanove.

Nadzorni Odbor analizira izvještaje o poslovanju Ustanove, vrši nadzor nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, Upravni odbor i direktora o rezultatima nadzora.

3. Mandat

Predsjednik i članovi Upravnog odbora i Predsjednik i članovi Nadzornog odbora imenuju se na period od četiri godine i mogu biti ponovo imenovani.

4. Uslovi za pozicije

Svi kandidati za imenovanje moraju ispunjavati opće i posebne uslove:

Opći uslovi:

- a) da je stariji od 18 godina,
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja upražnjene pozicije,
- c) da se na tog kandidata ne odnosi član IX. 1. Ustava Bosne i Hercegovine.

Posebni uslovi:

- a) da je državljanin Bosne i Hercegovine,
- b) da nije osuđivan za krivično djelo i za privredni prestup nespojiv sa obavljanjem dužnosti u Upravnom i Nadzornom odboru Javne ustanove,
- c) da nije izabran zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine, kao i Zakona o sukobu interesa u organima vlasti u Federaciji Bosne i Hercegovine,
- d) da ima završen VII stepen školske spreme, odnosno najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem bakalaureat/bachelor (180 ECTS bodova),
- e) da ima najmanje pet godina radnog iskustva u struci nakon sticanja univerzitetske diplome,
- f) da nema privatni finansijski interes u Javnoj ustanovi u čiji se Upravni ili Nadzorni odbor imenuje,
- g) da nije direktor javne ustanove,
- h) da u trenutku podnošenja prijave na upražnjenu poziciju nije član više od jednog upravnog i/ili nadzornog odbora bilo kojeg pravnog lica (ustanove, privredno društvo, agencije, udruženja, fondovi, i dr.),
- i) da je u Javnoj ustanovi zaposlen na neodređeno vrijeme – odnosi se na kandidate koji apliciraju ispred zaposlenika Kantonalne javne ustanove za zaštićena prirodna područja.



U svrhu dokazivanja da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine, kandidat je dužan dostaviti kao dokaz izjavu potpisanu i ovjerenu od strane nadležnog organa.

5. Kandidovanje

Prijavljivanje se vrši putem prijavnog obrasca koji se može preuzeti u šalter sali Kantona Sarajevo (ul. Reisa Džemaludina Čauševića br. 1) ili sa web stranice Ministarstva prostornog uređenja, građenja i zaštite okoliša Kantona Sarajevo <http://www.mpz.ks.gov.ba/>.

Uz prijavni obrazac, kandidat treba priložiti biografiju, te slijedeće originalne dokumente ili ovjerene kopije dokumenata (ne starije od 6 mjeseci), koji predstavljaju dokaz o ispunjavanju općih i posebnih uslova traženih oglasom:

1. ličnu/osobnu kartu ili izvod iz matične knjige rođenih,
2. uvjerenje o državljanstvu Bosne i Hercegovine,
3. uvjerenje nadležnog organa da kandidat nije osuđivan za krivično djelo i za privredni prestup nespojiv sa obavljanjem dužnosti u Upravnom i Nadzornom odboru Javne ustanove,
4. univerzitetsku diplomu ili uvjerenje o diplomiranju,
5. potvrda/uvjerenje o radnom stažu u struci (potpisanu i ovjerenu od strane poslodavca),
6. uvjerenje/potvrda koju izdaje Kantonalna javna ustanova za zaštićena prirodna područja da je kandidat zaposlen na neodređeno vrijeme - odnosi se na kandidate koji apliciraju ispred zaposlenika Kantonalne javne ustanove za zaštićena prirodna područja,
7. potpisanu i ovjerenu izjavu (obrazac izjave može se preuzeti u šalter sali Kantona Sarajevo ili sa web stranice Ministarstva prostornog uređenja, građenja i zaštite okoliša Kantona Sarajevo <http://www.mpz.ks.gov.ba/>) od strane nadležne općinske službe kojom kandidat potvrđuje slijedeće:
 - da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja upražnjene pozicije,
 - da se na kandidata ne odnosi član IX.1. Ustava Bosne i Hercegovine,
 - da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine, kao i Zakona o sukobu interesa u organima vlasti u Federaciji Bosne i Hercegovine,
 - da nema privatni finansijski interes u Javnoj ustanovi u čiji se Upravni ili Nadzorni odbor imenuje,
 - da nije direktor javne ustanove,
 - da nije član više od jednog upravnog i/ili nadzornog odbora bilo kojeg pravnog lica (ustanove, privredno društvo, agencije, udruženja, fondovi, i dr.),
 - da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine.

Dokumentacija dostavljena na Javni oglas se ne vraća.

Rok za prijavu na Javni oglas je **15 (petnaest) dana od dana posljednjeg objavljivanja.**

Oglas će biti objavljen u “Službenim novinama Federacije Bosne i Hercegovine”, dnevnom listu “Dnevni avaz” i na web stranici Kantona Sarajevo.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1



Podnosioci prijava sa kojima se ne stupi u kontakt u roku od 10 dana od dana isteka roka za podnošenje prijava neće biti uzeti u razmatranje u daljem postupku imenovanja.

Svi kandidati koji budu stavljeni na listu sa užim izborom najboljih kandidata koji ispunjavaju kriterije za imenovanje biće pozvani na intervju pred Komisijom za izbor koju imenuje Vlada Kantona Sarajevo. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima, te ispuniti obrazac u kome će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja (Obrazac se može preuzeti u šalter sali Kantona Sarajevo - ul. Reisa Džemaludina Čauševića br. 1, ili sa web stranice Ministarstva prostornog uređenja, građenja i zaštite okoliša Kantona Sarajevo <http://www.mpz.ks.gov.ba/>).

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH.

Kandidate koje nakon intervjua preporučí Komisija za izbor, smatraće se da su najuspješnije prošli otvorenu konkurenciju.

Konačno imenovanje kandidata za predsjednike i članove Upravnog i Nadzornog odbora izvršiće Vlada Kantona Sarajevo na osnovu predložene rang-liste najbolje ocijenjenih kandidata.

Zainteresirana stranka može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi i postupci utvrđeni Zakonom o ministarskim, vladinim i drugim imenovanjima. Prigovor se podnosi Vladi Kantona Sarajevo, a kopija istog se dostavlja i Ombudsmenu za ljudska prava Bosne i Hercegovine.

Nepotpune, neblagovremene i neuredne prijave neće se uzeti u razmatranje.

Prijave sa svim traženim dokumentima dostavljaju se lično (putem Službe za protokol Kantona Sarajevo) ili poštom preporučeno na adresu: Ministarstvo prostornog uređenja, građenja i zaštite okoliša – Komisiji za izbor, Sarajevo, ulica Reisa Džemaludina Čauševića broj 1.-prizemlje (pisarnica), **sa naznakom: "PRIJAVA NA JAVNI OGLAS - UPRAVNI I NADZORNI ODBOR KANTONALNE JAVNE USTANOVE ZA ZAŠTIĆENA PRIRODNA PODRUČJA (navesti za Upravni ili Nadzorni odbor) – NE OTVARATI, otvara Komisija"**. Na poleđini koverta navesti ime i prezime podnosioca prijave, adresu i kontakt telefon).

MINISTAR

Čedomir Lukić, dipl. ing. arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1

